

Խնճաւերակ, Հնդի, Սարաչիլ, Ջուրմավանց, Վարգահան, Քարաւերակ, Քսանթա, Քրիստի (Քրիստափոր) Վանֆ, Խայէֆ, Ուստիկ (Օձտեղ), Կոպիս (Սուրս) :

Բալխիստի հայտնութիւնը սոսկալի փորձութիւններից եւ գաղթերից ու պանդխտութիւններից, եթէ պահել էր իր գոյութիւնը գաւառի ազգաբնակութեան մի երրորդի չափ ( $\frac{1}{3}$ ), դա նշանակում է, որ նա բարոյական մեծ ոյժ է ունեցել տոկալու մինչեւ քսաներորդ դարը :

Թուրքական կառավարութիւնը Հովտիկը, Բայբուրդը եւ Բալխիստը միացրած մի գաւառ է (սանջակ) համարում :

## Գ.

Սպերի Հովտը :

Ճորոխը Բալխիստն ընդունելուց յետոյ, կրկնակի մեծանում է, լայնում է եւ հուժկու սահանքով մտնում է Սպերի երկար հովիտը : Սպերի գաւառը գտնուում է արեւմուտքից՝ Բայբուրդի, հարաւից՝ Հովտիկի եւ Թորգումի, արեւելքից՝ Կիսկիմի, իսկ հիւսիսից Պոնտական Սաղտիքի մէջ. Սպերի ամբողջական հիւսիսային երկարութեամբ տարածուում է Պալխա լեռնաշղթայի շարքը. իսկ հարաւից՝ Էչէք-Սրթի, Օրթա-Գեօլ Սորաիկ, Տանձոտ, Աղաչ-Քիլիսէ,